

i2^r

Die erft Uorred

DEr wolgeborn herr Johans

Freyherr zû Schwartzenberg/ vnd zû Hoenland=

fperg/ Als er ampts dienft/ vnd in fein aigen sachen

mit vilerley gefchâfften beladē/ yedoch alles müßig

geen zûuermeiden/ hat er vilerlay(zû andern gewö

lichen zeitten der rûw) doch alles allain zû teütlich

gefchriben/ gelefen vnd gedicht/ Alfo das er feltenn

aufferhalb der notturfft/ des fchlaffs vñ des effens

müßig geent gefunden worden/ das er auch defter

lenglamer fchlaffen gangen/ defter frûer auffgeltanden/ vnd eilender geffen

auch alfo zû der arbeit geeilt/ das er zû vil malen/ nach dem effen/ nit die auff

raumung/ des tîch erwart/ Sunder ein tail des tîchtûchs/ von jm gefcho=

bē/ vñ gefchribē/ Et hat auch mit verwunderung gehôrt/ fo jemants gemelt

oder anzeigt hat/ jm fey die weil lang/ vñ oft gefagt/ er wolt/ dz es got gefiel

dz er vngefchwecht/ feiner natur/ wed⁹ effen/ trinckē / noch fchlaffen/ fund⁹ für

vnd für fchreiben/ vnd lefen folt/ das er auch vnder zeitlichen dingen / für den

grôften wolluft/ treiben wolt/ wie er dañ aufferhalb diß bûchs funft vor et

lichen jaren/ ain bûchle/ das er Memorial der tugent geneit / auch ein bûchle

wider das zûtrincken vñ anders ꝛ. gemacht/ darzû noch mer ein bûch Cice=

ronis/ mit gleycher mühe/ verteütchen laffen/ vnd wie diß bûch in zierlicher

teütlich gefelt/ vnd die Bambergifch halßgerichtsordnung/ zû der zeit feins

Hofmayfterampts dafelbft/ nach rat der gelerten/ vnd ander verftendigen

zûfamen gebracht/ das alles mit Figuren/ vnd teütchen reymen (zû güttem

bericht) malen/ vnd fchreiben laffen/ bey dem/ feins dienft vnd ampts halbē

nichts verfaumt. Ob nun all folch arbeit/ auß angeborner natur/ oder auß

gewonter arbeit kûmen fey/ ift zweiffenlich/ yedoch das bewuft/ das er auch

vaft lung/ das Ritterfpil des ftechens/ als bey viertzehnen jaren angefangen/

auch volgents das Rennen/ auch all Ritterlich vbung/ vnd erlich krieg fûch

ung/ alfo pflaget/ das er in folchem allen/ für annder/ die grôffe feines leibs/

vnd die manheit feins gemûts gebraucht vnd bewifen/ Vnd wiewol er auch

zû feiner zeit/ ain vbergemaine manliche gerade perfon gewefen / fo hat doch

die natur/ ain funder eufferlich zaychen an jm bewyfen/ dañ jm auff allē fey=

nen finger knübeln horen gewachffen / vnnd alfo das er follich knübel/ wye

dye negel an fingeren befchneyden hatt müßenn/ Vnnd wye wol funft/ vi

hürne gewefen zûfein gedicht vnnd gefagt/ fo gelaube ich doch/ das wenig

menfchē gefunden werden / die fouil horns(aufferhalb aller negel)als er ge

hebt/ Er hat auch auß gefchickter fterck/ ainen pfenning ftrick/ daran man

pflagt die kûe zû legen/ mit den henden voneinander geriffen/ der ding in fei=

ner fugent/ Ritterlich/ Manlich/ vnd vil triben. Als er aber nach dem zwain

tzigiften Jar feines alters / mit eelichem heyrat/ zû der wolgebornen Frawen

Küniguntē/ geborne Grāfin zû Rieneck gekôrt/ die von perfon gerad/ vñ al=

ij lein vmb

i2^v

Die Erft Uorred

leyn vmb die augen kürtzter dann er gewefen / bey der etlich fün vnd töchter erobert/ Jft er zum heyligen land gezogen/ mit glück wider kömen/ vnd also feyn wesen gotsfürchtig/ gewyffenhaftig vnd gerecht erzeigt / das folchs alles zû fchreiben vnd an zû zeygen/ lengerung geben würde/ Dann er bey fünff Bifchoffen zû Bamberg/ auch zû Wirtzburg/ bey eynem Bifchoff Hofmeyfter/ vnd Key. May. Vnd des heyligen Reychs Regimentsrath/ eyn zeytlang gewefen/ vñ als Brandenburgifcher Landthoffmayfter in Francken geftorben/ Auch Welchen vnd Teüfchen kryegen/ anfelich beuelch gehabt/ Der ortt allenthalben eyn liebhaber des rechtens/ vnnd eyn fürderer des fryds/ auch eyn halfer alles vbels/ fonderlich des Raubens/ gewalts vnd vnrechtes/ gewefen. Er hat fich auch vor allem eygen nutz/ vñ nemung der fchanckung/ enthalten. Wie keüfchlich er dann gelebt/ ift auß dem abzûnemen/ Dann als jm nach fchickung des allmächtigen/ vorgenanter fein ehe gemahel/ die er gantz hertzlich geliebt/ am zwölfften kind verſcheyden/ vnd jme acht kinder verlaſſen/ Nemlich Herren Chriſtoffen / yetz Bayriſcher Landthoffmayfter/ Herren Paulen/ yetz Thumbherrn zû Cöln/ Bamberg vnnd Wirtzburg/ auch Herren Friderichen/ die all noch leben / vnnd fünf töchter. Der eyne eyn Klofterfraw/ Die ander/ eyn von Sanßhaim/ Eine eyn Freyherren von Sachß. Die vierdt/ eyn von Laubenberg/ Dye fünfft eym von Seckhendorff verheyrat worden/ Also das er etlich/ vnd viertzig kinder/ vnd kindskinder/ auch kinds kindskinder/ von feynem leyb Eelich geboren/ erlebt/ Hat er on zweyffel auß höchſter lieb/ die er zû feynem verloren ehegemahel/ gehabt/ vnd auß natürlichem wol wöllen/ follicher feyner kinder/ nit wyder heyraten / vnnd aufferhalb der Ee/ nit vnkeüfcheyt treyben wöllen/ Also von dem Sechß vnd dreyffigften jar/ biß in das Vier vñ lechtz geft jar/ feynes alters/ gewyßlich keyn weybsbild/ fleychlich erkeñt. Das aber das anfäncklich nach verlornem Eheftandt / on fonder groß anſichtung / gefchehen fey / ift nit zûuermüten. Deßhalb er villeycht auch also/ wie obfteet/ all rüwe/ vnd müffiggang vermytten/ Damit er auch den freylebenden wyllen/ vnd das fleych bezwungen. Vnd was erbeyt er fonderlich an nachuolgens büch gelegt / will ich zum kürtzten anzeygen/ in aller lay fchreybung/ vnnd hin vnd wyder lefung. Jft jm auch diß volgent Büch Ciceronis verteüfcht zû handen kommen/ das jm feyns jnnhalts/ nach der meynung wol/ aber der verteüfchung nach/ vbel gefallen/ dann es (wye in nachuolgender vorred/ auch anzeygt wirt) von worten zû worten/ also verteüfchet gewefen / das der fyn dardurch vnuerftendig gemacht. So aber er dyfe treflich tugent lere Ciceronis darauß vernemen mügen/ hatt er auß funderer neygun der tugent/ diß volgendt Büch/ feynem Caplan(dann er nye keyn latein gelernt/ noch kundt)zûuerteüfchen/ gebetten/ Das er Herr Hanfs von Schwartzenberg fäliger/ nachmals in zyerlicher Hochteüfch/ gebracht/ Vnd das also andern gelerten/ wyder zûüberlehen (obs dem la=teyn gemeß fey) zû gefelt. Der gefalt das Büch mit fampt den Fyгурē / vn=teüfchen

i3^r

Die erft Uorred

teüfchen reymen (welche er felbft angeben vnd gedicht) vor zehen jaren zû
 trucken geben. Das aber durch nit haltung ꝛc. des truckers/ durch zeit in zeit
 verzogen/ biß er/ der Herr von Schwartzenberg/ vnd der Bûchtrucker
 mit tod verſchaiden/ Jft volgents bûch durch ein liebhaber / vnnd
 verwandten der herſchafft Schwartzenberg zûhanden bracht
 vñ zû vorbildung/ allē des vilgemelten Herrn vō Schwar=
 tzenbergs fâligen feines leybs nachkuñen / auch menig=
 klich zû tugentfamer erinderung jn truck (wie hie
 geſehen wirt) anderwayt vberantwort wor=
 den/ Den erftē tag Auguſti nach der gepurt
 vnſers fâligmachers Jeſu Chriſti/
 Taufent Fünffhundert vnd
 im dreyffigften
 Jar.

ijj So wir

i3^v

Die Ander Uorred

SO wir nit alleyn von den Heyligē

Lerern der alten vnd newen Ee/ Sonder auch auß wey=

fer Heyden ſchriſſten/ dye tugent auff das höchſt gelobt/

vnd alle bößheyt gehaßt vnd geftrafft fynden. Sollen

wir billich zů vbung des güten / vnd vermeydung aller lün

de vnd lafter/ delter fleißiger begyriger vnd hytziger fein. Derhalben daß

das Büch/ ſo Marcus Tullius Cicero/ von den ämptern der Gepürlichen

Tugentlichen werck(zů latein Officia genant)gemacht / hoch gelobt vnnd

gepreyßt wirt. Wyewol nun daffelbig Büch/ vormals auß Lateiniſcher

ſprach/ in Teütſche zung/ tranfferiert vñ verwandelt worden iſt/ So habē

doch die ſelben verteütſcher/ als gar nahent/ bey ſolchen Lateiniſchen wort

ten bleyben wöllen/ das dadurch jr verteütſchen/ zyer vñ luſts zůlefen/ auch

an vil orten rechts verſtandts / falt mangelt. Darumb der wyrdig Herr

Johann Neuber Caplan zů Schwartzenbergk/ Auff beger des wolgeporn

Herrn Johanſen Freyherren zů Schwartzenbergk/ der zeyt Bambergiſche

Hoffmeyſters/ zů forderſt Got zů lobē / auch vmb gemeyns nutz vnnd beſſe=

rung willen Teütſcher Nation/ das obgemelt lateiniſch Ciceroniſch Büch/

gantz newer ding/ von lynnē zů lynnē/ vnnd nit von worten zů worten/

verteütſcht hat/ dem auch von merer vñ beſſerer merckung vñ beheltligkeyt

wegen/ etlich Fyguen vnd teütſche verßleyn / wie daryñ funden wirt / zů=

gefetzt ſeind. Das alles vollendet warde/ Jm jar als man nach der geburt

Chriſti vnſers ſäligmachers zelet/ Fünfftzehen hundert vnd im 3weyntzig=

ſten.

Vnnd nach dem yhe zů zeytten vmb beſſers

verſtandts willen/ vnder dem Text kurtze gloß eyngemifcht werden/

ſolche gloß wirt zwyſchē zweyen Paragraphen funden/ Jm an=

fang mit einem s (vñ am end mit eynē) t gezeychnet.

Bey dem allen iſt zů mercken/ dyeweyl eyns

theyls Römifcher ämpter/ der etliche oft in gemeltem verteütſchten Büch

berürt werden/ dyer zeyt nit in vbung oder weſen ſeyn/ vnnd eynem yeden

ſolchen namen / mit eynem oder zweyen worten / on weyttere außlegung vñ

vmbſchreybung/ keyn bequemlicher vergleychlicher teütſch/ gegeben werdē

mag / Das darumb die namen derſelben ämpter/ an allen enden / wie ſy yn=

gedachtem Büch ſteen/ vnuerwandelt geſaſſen/ Aber was eynes yeden ſol=

lichen ampts eygenſchafft/ bey den Römern gewelt/ vñ durch Pomponium

Letum / in Lateiniſcher ſprach kürtzlich beſchriben vnd außgelegt worden/

Jft durch genanten Herr Johann Neuber/ auch nach kurtzer meynung ver=

teütſcht/ als hernach volget.

Namen